

MEDICAL PAMPHLETS

— 1613

57
3







834/

5166/


5307/

39.417

A.I. f(53)

- 1) BEUTEL, J.
- 2) PONTANUS, T.
- 3) QUECCIUS, G.

Item no. 1 (Beutel) seems to have
last page (verses?) not printed.



834 /

THESES
DE
ALIMENTI.
EXCREMENTIS.

Pro quibus
DEO VOLENTE

PRÆSIDE
CASPARO HOFMANNO
Med. D. & Prof. in inclutâ Altorfina
ordinario.

Pro virili disputabit
JOANNES BEVTEL AM.
BERGENSIS.

Ad diem 2. Octob. Anno 1613.



ALTDORFII
Apud Conradum Agricola

Viris
AMPLISSIMIS, PRV-
DENTISSIMIS VIRTUTE ET AV-
TORITATE PRÆSTANTISSIMIS DO-
minis Consulibus, & Senatoribus ce-
leberrimæ Civitatis Am-
bergenfis.

*Dominis Patronis & Mæcenatibus suis
debita observantia colendis:*

NEC NON

Clarissimis atq; Excellentissimis Viris
DN. JOANNI INGOLSTETTE-
ro Philosophiæ & Medicinæ Doctori
Celeberrimo

Illustrissimi & Serenissimi Principis
DN. CHRISTIANI ANHAL-
tini &c. dextera felicissimo.



39417

&
DN. JOANNI ROSÆ, PHILO-
sophiæ & Medicinæ Doctori Præstantissimo,
& Reipub. Ambergenfis Medico-
physico ordinario,

*Dominis & fautoribus suis observantia
& benevolentia Ergò*

Dedicat & offert

JOANNES BEVTEL

Philidæus.

DE ALIMENTI EX- CREMENTIS.

THESIS I.

Alimenti vox apud Hippocratem tripliciter accipitur. Aut de futuro-alimento, quod est cibus & chylus, antequam in sanguinem mutetur. Aut de mox-alimento, quod est sanguis, in visceribus & vasis suis elaboratus, sed nondum à partibus, quæ ali desiderant, alteratus. Aut de jam-alimento, quod est sanguis, à partibus alendis ita factus & perfectus, ut in substantiam illarum transire possit.

Triplici huic alimento triplex vulgò tribuitur sive coctio sive separatio utilis ab inutili. Nam futurum-alimentum paratur in ore, ventriculo & intestinis. Mox-alimentum fieri volunt in hepate solo & annexis venis. Jam-alimentum in omnibus partibus conficitur.

II.

At verò (ut ne dicam hepatis socium esse lienem) cum mox-alimentum substantificam alterationem accipiat etiam à corde, appensisq; arteriis, adeò ut jam dici mereatur ab Hippocrate *τροφὴ ἡγεμονικῇ*, nostris hominibus das heriblut: jure addiderunt Philosophi quartam coctionem, quæ fit in corde.

IV.

Huic alimento secundum omnem significatum opponitur Excrementum, cum dicitur à Philosopho *πρόλειμμα τὸ τροφῆς*.

V.

Verùm, quia alimentum dum in quadruplici coctione ne purificatur, & ut sic loquar, dolatur, non est eiusdem

generis cum illo, quod post coctiones dictas existit: sit,
ut excrementum sit genere duplex.

V I.

Quod enim in singulis coctionibus deciditur, excrementum vocatur Inutile. Ut enim Philosophus ait, ab hoc μηδέν ἐπισυντελείται. Ἡ δὲ τῶν φύσιν, ἀλλ' ἀναλίσκουσθαι πλεονέχεια καὶ ὁρμή. Quare etiam excrementum nominatur qualitate: quod non habeat eas qualitates, quæ alimento, in partes abituro sunt propriæ.

V II.

Quod autem post coctiones singulas superest, aptū jam factum, ut in partes transire possit: sicubi non transit, sed alii usui servatur, excrementum appellatur Utile. Ut enim idem Philosophus docet, obtinet naturam contrariam illi. Quare etiam excrementum nuncupatur, Quantitate: quod habeat omnia, quæ habere debet, nisi quod in majori copia est.

Quod ad excrementa inutilia,

V I X.

Oportet hæc ἐπισημασθαι, In unaquaque dictarum coctionum fieri duplex tale excrementum, Alterum tenue, Alterum crassum.

I X.

PRIMÆ ergo coctionis, quæ initium accipit in ore, sed celebratur in ventriculo, excrementum tenue est Pituita naturalis, quæ & Insipida dici solet, & Dulcis. Vocatur Naturalis; quia gignitur à Naturâ benè operante, ex necessitate materiæ alimentalis.

X.

Habet autem suam tenuitatem ab aquâ. Quod enim in assumpto alimento frigidum & humidum est adeo, ut ad mediocritatē illam, quæ sanguinis est, accendere

dere non possit: heic seponitur. Natura tamen abutitur illo ad alia,

XI.

Quod enim elaboratius & tenuius est, sursum mittitur ad tonsillas. In quibus postquam substantificè alteratum est, dicitur saliva: Est enim crassior & calidior pituitâ matre. Eius ad loquelam, masticationem, adeoque primam coctionem Natura valdè eget. Hoc cum in majori copia est, antequam alteretur, cum aut sine screatu ejicitur.

XII.

Huic ejectaneæ pituitæ κατὰ πάντας ὁδούς similis est substantia illa, quæ cum tussi perpetuò exit, & sputum appellatur nobis. Alius enim naturæ est: illius ut plurimum, cuius Mucus, de quo infra.

XIII.

Quod autem crudius & crassius est, in casu quidem necessitatis facessit in sanguinem, si medicis fides est, extra autem illum ablegatur ad intestina, quibus geminâ præstat utilitatem, 1. facit illa lubrica, ad commodiorem fæcum, de quibus agitur, exitum, 2. præbet illis armaturam, contra acrium humorum influxum. Multò tamen maxima pars cum fæcibus descendit.

XIV.

Hanc pituitam contingit aliquando fieri Acidam: contingit etiam fieri Salsam, Et tum talis quoq; est saliva.

XV.

Acida fit, & primam dat pituitæ præternaturalis speciem, cum supervenit illi calor externus, qui facit exhalare tantillum eius calorem naturalem. Hæc actio, quia superficialia est, non mutat temperiem ipsius. Ob similitudinem quandam vocatur etiam Acida pituita,

cum chylo bene elaborato, antequam didatur, tale quid accidit. Ob eandem nominatur etiam Acida pituita, cum calor debilis ex cibo ingesto facit, non chylum, qui dulcis est, sed acidum quid.

XVI.

Hic sapor aliquando ita intenditur, ut acerbus videatur: facit enim *αἰμαδία*. Hinc quidam statuerunt novam pituitæ præternaturalis speciem, quam Acerbam seu Ponticam appellant: verum id necesse non est. Nam, autore Galeno, hi duo saporès ferè sunt simul. Et observatum non est, pituitam acerbam alios ab acida edere effectus.

XVII.

Quos quia edit, licet etiam Acida sit, quam Vitream primus dixit Praxagoras; necesse est distingui illam ab Acidâ.

XIX.

Sed & ob id distingui necesse est, quia fit ab alia causa. Quoties enim, quæ jam acida est, ob longiorem in ventriculo, intestinisque moram, tam viscida evadit & lenta, ut, amissa penè omni humiditate, vitro fusæ fiat similis: Vitrea dicitur.

XIX.

Hæc affert secundam pituitæ præternaturalis speciem usque adeò frigidam, ut qui illius copiam collegerunt, sentiant frigiditatem eius, ut de seipso scribit Galenus.

XX.

Salsa fit apud Galenum, & præbet tertiam pituitæ præternaturalis speciem, cum aut putrescit, aut miscetur illi salsa serosa humiditas. Possè tamen tertio quodam modo etiam sallescere, nimirum cum miscetur illi bilis: non valdè nego.

Hæc

Hæc jam in contrariam temperiem translata est. Calida enim & sicca est, ut aqua marina. Sed maximè, quæ à putredine talis est: minus quæ à mistura.

XXII.

Salsæ pituitæ si quis jungere velit Amaram, ei non pugnabo, modò concedat mihi illud Philosophi, à discipulo Theophrasto repetitum, Amarum & salsum esse ferè idem.

XXIII.

EIVSDEM primæ coctionis excrementum crassum faciunt Fæces alvi, quarum jam facta est mentio. Ita enim à plerisq; omnibus nuncupantur, & sortiuntur eandem cum pituitâ dicta generationem.

XXIV.

Habent autem crassitiem suam à terra. Quod enim in alimento assumpto frigidum & siccum adeò est, ut non possit attingere bonitatem sanguinis: relinquitur cum pituita, & cum eiusdem superflua parte vacuatur quotidie ope bilis, de qua jam.

XXV.

SECUNDÆ coctionis, quæ fit in hepate & liene, excrementum tenue est Bilis naturalis, quæ vel simpliciter ita appellatur, vel cum additione, Flava, Pallidæve. Vocatur naturalis eadem cum priorib, duobus excrementis ratione,

XXVI.

Habet autem tenuitatem suam maximè ab aëre. Quod enim in chylo, ad hepar transumpto, pinguisimum & dulcissimum est, dum à calore, aliud agente, uritur, & quasi superassatur: amarescit, & fit inutile ad alendum, ob caliditatem et siccitatem suam.

Ideo

XXVII.

Ideò Natura per poros choledochos ex hepate colligit, in vesicam vicinam, è qua dum effertur per certum quendam ductum in intestinum duodenum, abutitur illo Natura ad admonendum intestina officii sui.

XXIX.

Hac via si non exeat suo tempore, diutino calore ita exsiccat, ut crassitie similis evadat crudorum ovorum vitellis. Et jam dicitur Bilis vitellina, quæ facit primam bilis præternaturalis speciem, longè calidiorem & sicciorem naturali, ob modum substantiæ, ob quem Diabolicam vocabat illam Præceptor.

XXIX.

Sed dicitur ita Græcis tantum. Apud Arabas enim Bilis vitellina fit duobus aliis modis, 1. admistione pituitæ, quam Bilem illi vocant majoris famæ, 2. admistione Melancholiæ, quam minoris famæ.

XXX.

Si superveniat calor aliquis subitus, amburitur, & accipit primum nigredinis gradum, qui viridis est, ut ærugo Ideò jam dicitur Bilis Viridis seu Æruginosa, quæ facit secundam speciem bilis præternaturalis, & ipsam naturali calidiorem & sicciorem.

XXXI.

Sed iterum dicitur ita Græcis tantum. Apud Arabas enim (qui zinariam vocant) fit bilis Æruginosa non ex bile flava usta, sed ex Porracea, de qua mox.

XXXII.

Vbi hoc monere oportet, Viridem seu Æruginosam bilem mentiri aliquando dejectiones virides aqueas. Aqua enim corrumpitur in virorem, ut ex Aristotele ostendi potest.

Quod

XXXIII.

Quod si calor ille subitus sit valdè violentus, fit aliter nigredinis gradus, qui à colore cæli, marisve, cæruleus vocatur, & habet cum virore aliquid obscuræ nigredinis. Ideò dicitur Bilis cærulea, & facit tertiam bilis præternaturalis speciem valdè calidam & siccam.

XXXIV.

Si etiam violentior sit, fit tertius gradus, jam manifestè nigricans, qui à colore herbæ llatidis seu glasti nomen accipit. Ideò vocatur Bilis llatodes seu Glastea, & facit quartam bilis præternaturalis speciem non minus calidam & siccam.

XXXV.

His superadditur, & pro quinta bilis præternaturalis specie (quod eiusdem penè sit cum prædictis temperiei & coloris) censetur humor quidam in ventriculo corruptus ex calidioribus cibis, qualis est beta, brassica, allium, porrum. A quo porro nominatur bilis Porracea.

XXXVI.

EIVSDEM secundæ coctionis excrementum crassum est Melancholia naturalis, eodem cum cæteris jam dictis respectu ita vocata,

XXXVII.

Habet autem crassitiem suam pariter à terra. Cum enim qui ad lienem it chylus sit terrestris, licet multa aqua perfusus: postquam lien illum confecit, quod terreum & nigrum (non sine empyreumate ut in cinere) superest, ibi primum relinquitur, deinde per certa vasa præpuè hæmorrhoidalia, cum tribus jam dictis secedit. Neque enim quidquam huius ire sursum ad ventriculum, ullique ibi bono esse: alibi demonstravi.

XXXIX.

Quod si contingat non abire per dictum locum suo

B

tempo-

tempore, insigniter augetur empyreuma, ut ex humore frigido & sicco naturali, fiat calidus & siccus præternaturalis. Ideò apud accurratè loquentes dicitur non μελαγχολία, sed μέλας αχολή, & constituit primam Attribilis speciem.

XXXIX.

Alteram speciem constituit, si ustio superveniat alicui bilis præternaturalis speciei. Et hæc longè deterior est illa. Terram enim fermentat, ut Medici solent loqui, & quibuscunq; partibus allabatur, eas lethaliter exulcerat. Non attingit illam ullum animal, ne musca quidem. Non gignitur in illa ullum animal, ut neq; in mari mortuo. Splendet bituminis instar.

XL.

Tertiam facit, quæ ex sanguine usto, seu potius in-
crassato fit. Hæc mitior est, & creditur frigida sicca esse, ab initio quidem sine empyreumate, postea non dissimilis aliis.

XLI.

Quarta, quæ ex ustione pituitæ alicuius existit. Hæc, quia negotium habet valde impeditum, non potest heic expediri.

XLII.

TERTIÆ coctionis, quæ fit in corde (nam hunc locum tribuit illi Natura ipsa) excrementum tenue est Contentum, quod dicitur, urinæ. De cuius temperamento judicare licet ex nomenclatura veterum: Crudum enim humorem appellabant.

XLIII.

EIVSDEM coctionis excrementum crassum est fuligo illa Galeno dicta, quæ pellitur, cum per nares & os in expirationibus thoracis, tum per arteriarum fines in earundem dilatationibus. Huius temperiem loquitur vox ipsa.

QVAR-

XLIV.

Quarta coctionis, quæ administratur in partibus singulis, quatenus aluntur, excrementum utrumq; in superficie ferè tantum est perspicuum, seu cutè: esse tamen in omnibus pariter, detrudiq; ab his, ope præcipuè exercitiorum, ad eutem, non ratione duntaxat colligitur, sed & experimento comprobatur.

XLV.

Tenue est vaporosum illud, quod singulis momentis, mediantibus cutis poris, per ἀδελον αἰσθησι Διαιπολω vacuatur. Eius vestigia sunt, præcipuè in iis, in quibus lentius est, sordes, seu strigmenta, quæ in balneis abstergimus.

XLVI.

Crassum est halituosum illud, quod eadem semita & eodem modo vacuatur. Clarius autem manè postquam surreximus, per oscitationes, pandiculationes, aliosq; motus.

XLVII.

Dixi, Ferè tantum. Ex omni enim numero tres sunt partes, quæ propter copiosum, quo indigent alimentum manifestas habent excrementorum quasdam purgationes.

XLVIII.

Princeps est cerebrum, cui tamen accedit alia etiam causa, ascensus halituum vaporumque ex inferioribus. Huius igitur excremento quidem crasso cum halitibus Natura secuit viam propriam, futuras calvaria: excremento autem tenui, unà cum vaporibus (vocantur hæc duo uno verbo Blenna seu Mucus, aliquando Pituita ob similitudinem) deorsum duas alias.

XLIX.

Quod enim huius colligitur intra meningas & ex-

teriolem cerebri corticem cinereum, coitq; qua parte cerebrum est *ἄσπερ*, & eminentia quædam in corpore calloso, juxta quam utrinq; canalis: defluit ad os Ethmoides, & per hoc ad nares, per quas elabitur.

L.

Quod verò colligitur in medulla, seu parte cerebri alba, coitq; in ventriculis: defluit per infundibulum in glandulam pituitariam, à qua combibitur, & tandem per os Sphenoides in palatum venit.

L I.

Per errhina igitur educitur ille tantum: per masticatoria hic tantum.

L II.

Altera sunt oculi. Et horum quidem excremento crasso non parata fuit via peculiaris, quod, in parte aquea & molli, paucum sit omnino, & illud ipsum facile effugiat: excremento autem tenui in casu necessitatis dedit foramen illud orbitæ, cui caruncula, *ἐκκαυσθῆς* dicta, superimponitur, ut per illud in cavitatem narium penetret.

L III.

Casus est, si excrementi huius major sit copia, quam humectando (in continua illa motione) oculo convenit. Nimirum, hic est abusus huius excrementi in hac parte. Quod si forte fortunâ accedat externa causa, quæ insignem spirituum agitationem faciat: effluit per angulos. Lacrymas appellant tunc, & aliquando cum additione, veras seu legitimas.

L IV.

Huc pertinent Gramæ seu Lemæ, quamvis illæ tum fiant tantum, cum alimentum oculi semicoctum sub specie excrementi pellitur.

L V.

Tertia sunt aures, In quibus licet non sit privatus
excr-

excrementis exitus: id tamen mirabile est, quod per membranam densissimam (Tympanum vocant Anatomi) exsudat tam crassa materia, esse autem reliquias utriusq; excrementi monstrat & lentior & amarior,

LVI.

Atq; hæc sunt excrementa coctionum, quæ coctiones. Quæ quoniam sibi invicem succedunt: necesse est, alimentum coquendum de officina in officinam ferri. Ferri autem cum non possit sine illo, quod Hippocrates nominat *ὄχνημα* & *ρεοφῆς*; & vero *ὄχνημα* illud sit potus simpliciter dictus, seu aqua, quæ non nutrit: exsultat hinc aliud excrementum inutile, omnibus coctionibus commune, quod serum vocatur. Id falsum est, ob perpeffas tot alterationes.

LVII.

Huius maxima pars, post factam primam, secundam & tertiam coctionem, expellitur per renes & vesicam; & dicitur Urina.

LIIX.

Quod in quarta superest, servit partibus pro illarum humectatione actuali: unde perpetuus internarum mador. Quod si accedat fortè externa causa, factio initio ab eo, quod propè superficiem est, & succedente illo, quod in profundo est: guttatim emanat per poros cutis & Sudor vocatur.

LIX.

Cum sero magnam habent affinitatem Ichores quidam, de quibus (ut in genere de omnibus) seorsim.

Quod ad excrementa utilia,

LX.

Purificato hoc modo alimento, & ad eam mediocritatem perducto, ut alere possit: quod non alit, dicitur excrementum, sed utile.

LXI.

Est autem utile vel speciei, vel individuo.

LXII.

Quod speciei, vel semen est utriusq; sexus. Ex hoc enim constituitur animal.

LXIII.

Vel lac, faminis proprium. Hoc enim alitur animal, in lucem editum.

LXIV.

Quod individuo, vel pinguedo est. Hac enim sicca: tenuiaq; corpora, inediis, exercitiis, caloribus aliis celeriter alias exsiccanda, humectantur.

LXV.

Vel medulla ossium. Hæc enim quatenus pinguedo est (& eatenus est excrementum) idem facit ossibus: partium omnium, si pilos excipias, siccissimis, quod pinguedo facit aliis partibus. Quatenus continet in se alimentum ossium, apud minus accuratè loquentes dicitur alere ossa.

LXVI.

De horum temperamento si quæras, dicetur tibi, Calida & humida esse, perinde ut sanguis. Nimirum, Calidum & humidum in certo gradu est idem cum Temperato seu Mediocri.

F I N I S.



100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

100
E. 1. 1. 1.

